

《中國地方藝文薈萃》編輯會 編

鄭州：河南人民出版社

中國地方藝文薈萃

楚東卷·第二輯 終

華東卷・第二輯

肆

中國地方藝文薈萃

《中國地方藝文薈萃》編委會

編

第四冊目錄

國朝杭郡詩輯三十二卷姓氏韻編一卷(四)

.....一

國朝杭郡詩輯三十二卷姓氏韻編一卷（四）

國朝杭郡詩輯三十二卷姓氏韻編一卷（四）

（清）吳顥原編、（清）吳振棫重編

據清同治十三年（一八七四）錢塘丁氏刻本影印。

國朝杭郡詩輯卷二十一

雍正乾隆間
人約畧爲次

施廷樞 張傳書 柯一鶚 吳穎芳 吳城

曹芝 周二學 張海 蘇大振 蘇雄振

張永祚 吳維烈 吳維嵩 蔡朱源 沈濬

翁光選 林元 朱霞 洪青選 汪世勳

汪鵬 陳沆 張玘 楊鴻達 盧同

楊煥綸

凡二十六人

國朝杭郡詩輯卷二十一

錢唐吳顥原本孫振棫重編

施廷樞字慎甫號北亭錢唐監生有十駕齋集

北亭少嗜學甫冠卽謝去舉業精研博覽于經史傳注皆有所糾摘時杭堇浦張曦亮全謝山皆以淹雅稱閒與上下議論北亭則引據確證精皆懾服之無能與爲難者家業中落奔走衣食之閩修福州府志之楚修荊州府志家既歸而葬其親于龍井躬荷畚鍤遂得咯血疾竟不起卒年四十五其遺詩爲葉世組鄭信許承基所刊府志入文苑傳

偕厲樊榭先生登聖因寺竹閒亭追暑

避暑訪僧夏追涼叩禪扃拾級展游目憑高舒顏形一亭納萬翠驕陽逝不經襍坐緩巾帶清言極宵冥
菱茲碧蘚淨園列如長屏回風一披拂參差韻瓏玲嵐光逼虛棟湖淥上短櫺幽造異檢束勝賞同林垞執熱邈何有煩慮豁爾醒戀戀不忍去暝色催歸舲

大風發馬當抵九江作

疾風吹沙日軌脫蒼茫翻動蛟鼉窟大波小波疊乘陵帆飽
弓張箭離筈浪花高捲灑篷窗遙望湓城如一髮桑落洲邊
敲側過小孤山色秋嵯峨丹霞翠壁不得上雲中招手空如
何三更放舟潯陽郭九派沄沄潮已落琵琶亭古臨江津江
月娛人共主賓卻憶多情白司馬青衫淪落只含辛

泛舟西溪至蘆菴

蝶子凌晨發精藍向夕登到門花遲客八夜榻分僧霜重侵
溪閣風多颭佛燈朝來富幽事肯負一枝藤

送張誠然入都

甚欲相從結耦耕傷歌歌罷復成行鶯啼草長江南岸破帽
騎驢薊北程白髮滿頭猶道路緇衣好士幾公卿旅情遙夜

知何極應念樂樂太瘦生

冬日同王麀徵飲瓶花齋

隔巷招尋步履遲入門晚色上疎籬把杯小試烏巾酒翦燭
重吟白紵詞時敦復出所作冬白紵詞見示大好雅材追正始最憐日飲似
袁絲與君歲宴成還往月迴窗虛記去時

四月晦日同陳授衣江臯吳敦復張曦亮家竹田兄
泛湖遇雨卽送授衣江臯之揚州

緩帶風前醉復醒閒看畫舫入西泠但愁雨腳跳珠白不放
山光繞郭青三月鶯花已陳迹過時筍蕨賸餘馨故人暫整
還鄉旆惜別仍勞倒玉瓶

聞杭堇浦南歸之信同敦復竹田作

郵籤南下初炎候消息傳來已及秋酒殘預期十日共明湖

要續昔年游時清漫折朱雲檻老去長浮范蠡舟回首觚棱
眞一夢只應心事付林邱

過嚴陵釣臺有感謝皐羽事

朱鳥歌殘怨不勝半生汐社只飄零憑誰更向西臺畔一問
當年許劍亭

張傳書字繼青錢唐諸生

退庵氏曰繼青與兄東亭奕光皆入小山堂倡酬集家
居東城與先君子東屏公以比鄰相款洽時有觴詠予
方幼不及識也庚午辛未閒嘗爲錄詩數次皆記憶不
全如贈沈君詩鳥語花香生腕底詩簫碑板滿人閒賸
馥殘英亦可想其風致

西池

我行西池曲愛掬西池水池塘曲復深池水甘以泚涼風陣
陣吹蓮花香不已

柯一鶚字帝夔一字鴻儕號柯亭郡諸生有鶴程行草雙

清草堂集

帝夔與龔載夫原肖夫同及鍾希菴士傳末孩辰三諸人結吟社有與古齋倡和集顧涑園光稱其七律如神驥獨行一往雄駿當其得意前無古人嘗之吳門飽食河豚醉歸寓舍作水墨小幀未竟毒發遽卒

游清涼山

古寺絕游迹況當歲晚時
樂冬僧劇菜趁食鷺窺池
松嬾不入畫竹枯猶見詩
自憐幽趣好歸路伴鴉兒

孟城寄暢鶴

不見周生久醇醪意若何
春風愁裏度樂事夢中過
明月琵琶牖芳林瑪瑙坡
故人如念我江上鯉魚多

從邗溝過法海寺

綠漲邗溝出郭船紅橋春色柳如烟
百年幾見新臺榭小部

猶翻舊管弦。翡翠梢波驚醉眼。海棠怯雨釀花鈿。嗟余作客
耽風月。氣味如登品外泉。

客行感懷

浩蕩春帆送客行。短長亭堠數分明。雪殘北固荒荒白水到
南徐。濫濫清何處。關山容好夢可憐。魚雁最多情。世途老大
偏增畏。況復離憂百感生。

和星列歷城曉發

唱徹晨雞客夢殘。五更走馬向長安。風傳曉角秋聲壯。霜落
高城曙色寒。挾策敢邀知己顧。攝衣肯作腐儒酸。可堪潦倒
冠猶在此日。誰教貢禹彈。

西溪泛雨和拜颺

雨漬春烟綠樹新。小溪分漲碧粼粼。山村酒賤櫻桃熟。一路

鶯聲似喚人

吳穎芳字西林仁和布衣有臨江鄉人集

西林先生自稱臨江鄉人其稱名于釋氏則曰樹虛所
居在艮山門外俗呼吳家更樓地形斜折而北乃更其
名爲曲尺村幼嘗應童子試隸呵之退而嘆曰求榮得
辱何以名爲遂不復試專用力于讀書同時張定夫毛
睿中皆詣先生廬焚膏繼晷爭以無所疑辨爲恥其所
著撰言樂律者曰吹幽錄五十卷言字源流六卷金石文
文理董四十卷音韻討論四卷之學者曰金屑錄若干卷
釋六卷其采掇羣書爲詞章之學者曰金屑錄若干卷
尤精內典有大藏摘髓若干卷惟吹幽錄說文理董尚
有鈔本流傳餘皆未見方西湖淨慈寺重飾五百尊羅
漢時大吏欲每像題以額人莫之知過訪先生因爲口
述八十餘尊曰老德善忘不能悉舉具載某經如言檢
之果得其博識如此平居足不入城市家有園池桑竹
之勝製一小筒削竹籤書賞花釣魚圍棋賦詩鼓琴吹
笛等十餘事置筒中客至則隨手拈一事與客共之必
盡歡乃已晚年家事日落城中士大夫爭相延致館于
振綺堂汪氏壽松堂孫氏半舫項氏者凡十餘年爲詩
不憚數改嘗屬十友審定一有所否卽去之故集中所
存僅三百餘篇世頗惜其多遺美云府志入文苑傳詩見
翰軒錄者不復錄

人來訊近況答此

孤村烟火晚微徑草露滋四顧無可語我懷白雲知素無四
方志安坐足生贅物以不材棄甘爲幸靈癡罷弋亦罷釣節
酒更節詩局影省內疚起足念在茲春蘭嘉蚤秀霜蕙惜後
時天令榮悴別役志將奚爲

芳居山岑林臭委谷底莽處地各自殊葆性豈外獎郊原曠
以靜不限索幽賞晚徑烟篠暗曉門清江爽矯翼鵠舉空聯
羣鷗戲廣顧已何異營衡門聊偃仰子孫羅我前居然作家
長

程氏館聽琴送黃海胡子

南浦別多憔悴深叩檻忽聆丹鳳吟掌上十指有長短坐客
滿堂誰會心認得縹緗幾行字大匠注眸不相棄劍芒已露

幽壤光感激臨行灑秋淚客懷醉攪如亂沙寸心愁謝霜後
花江亭欲雪未成雪三十六峯寒到家橫蹙吳山截江路離
魂尚戀烟郊樹擲杯起柁日落遲灑落沙風送愁去

郎又邠采藥圖

郎侯愛我不見醜語盡窗光忘卯酉腹充道氣腋清風卻背
朱門向山走深山采藥非韓康不博市錢唯愛香紉蘭穩稱
高士服屑蕊合作仙人糧逢雲披雲水涉水肩上紅泥黏鵠
觜鹿跡場裏苗更肥犬吠叢邊根定美山中之樂可終古嫋
嫋秋風汎芳杜慎勿此意語世人彼方鵠雛嚇腐鼠紫薇木
序君須讀稚川內篇我新學君如采得九光芝分餌衰年伴

騎鶴

元祐黨籍碑

黨籍之碑蔡京筆八桂林邊遺此刻石碑可毀名不滅標識
 翻爲著賢德當朝百僚諧一口渺小安民片言剖彼哉石工
 何獨賢胸無祿位得失牽不須苦爲諸公嘆是是非非後來
 判魯國會譏孔仲尼殷監亦誨周公旦千佛名經昔所羨百
 篇譜述今猶見曾布章惇幸竄名老子韓非可同傳墨君頗
 繼蘇黃蹤心正筆正聞柳公但貽玉輦龍沙恨誰賞銀鉤薑
 尾工

宋思陵諭岳鄂王奪情手札

無避兵革輕私喪墨緣從戎臣職當況卿素志在恢復中原
 進取由襄陽

札中語

當時君臣視手足傾瀉赤心置人腹不虞

一德能格天萬里長城頓傾覆細觀峙紙戈劍鋒不獨敵營
 強挽弓石經尚畱首郡學銀牘未換九里松金陀幾編句中